

# IPS

## Internationales Parlaments-Stipendium des Deutschen Bundestages



## Deutscher Bundestag

### Ցանկանո՞ւմ եք աշխատել Գերմանիայի խորհրդարանում

#### Նախապայմաններն են՝

- Հայաստանի քաղաքացիություն
- համալսարանական կրթություն
- գերմաներենի շատ լավ իմացություն
- գիտելիքներ Գերմանիայի քաղաքականության, հասարակության և պատմության վերաբերյալ
- կրթաթոշակի հատկացման պահին 30 տարեկանը լրացած չպետք է լինի

#### Կրթաթոշակ

- ամսական 450 եվրո
- բնակարանային ծախսեր
- ապահովագրական ծախսեր և ճանապարհածախս

#### Գիմումների ներկայացման վերջնաժամկետը՝ 30-ը հունիսի

- Լրացուցիչ տեղեկություններ կարող եք ստանալ սույն էջի հետադարձ կողմում, Գերմանիայի դեսպանությունում կամ համացանցային հետևյալ կայքից՝ [www.bundestag.de/ips](http://www.bundestag.de/ips)

Գերմանական Բունդեսթագը, համագործակցելով Բեռլինի Ազատ համալսարանի, Բեռլինի Հումբոլդտի համալսարանի և Բեռլինի Տեխնիկական համալսարանի հետ, հինգ ամսով հրավիրում է Բեռլին՝ մասնակցելու Միջազգային Խորհրդարանական Կրթաթոշակ (ՄԽԿ) ծրագրին:

Միջազգային խորհրդարանական կրթաթոշակը նախատեսված է բարձր որակավորում ունեցող և քաղաքականությանը հետաքրքրվող երիտասարդ աղջիկների ու տղաների համար, ովքեր մտադիր են ծրագրի ավարտից հետո վերադառնալ հայրենիք և ակտիվորեն ու պատասխանատվության զգացումով մասնակցել նրա ժողովրդավարական ապագայի կերտմանը:

Գերմանական Բունդեսթագը՝ Գերմանիայի խորհրդարանը, երիտասարդներին հնարավորություն է ընձեռում՝ Բունդեսթագի անդամներից որևէ մեկի գրասենյակում, 15-շաբաթյա գործունեության ընթացքում ծանոթանալ գերմանական խորհրդարանական համակարգին և քաղաքական որոշումներ կայացնելու գործընթացին, ինչպես նաև փորձ ձեռք բերել խորհրդարանական աշխատանքի ասպարեզում:

Կրթաթոշակատուների ընտրությունը կատարում է Գերմանիայի Բունդեսթագի կողմից կազմված անկախ ընտրական հանձնաժողովը: